

Stòria de su comunu

Est una bidda tìpica agro-pastorali ca tenit unu territòriu pruscatotu in pranu, mòviu a nord-est de unus cantu cùcurus ca acabant cun su Monti Uda (370 m), innoi in pitzus ddoi est su Parcu comunali totu birdi e bellu.

Su Parcu tenit prus o mancu 300 ha de pineta bella e prantas mediterràneas: unu prumoni birdi beru in mesu a su su pranu de lori de sa Trexenta, innoi si podit arribai a lestru de sa S.S. 131.

Su Parcu panoràmicu de Monti Uda est apariciu cun àreas de firmada po su pic-nic e percursus jogging; ddoi est puru unu logu po sa preghiera, a giru de una Madonna cun su Pipiu ca castiat conca sa bidda de Barrali.

Is bècius contant de ai intèndiu contai de is ajajus insoru ca in loc. Natalis ddoi fiat una crèsia fata asuta una arroca manna manna in làcara cun su frùmìni. Su logu, ca si tzèrriat in sardu "s' Arroca de sa Trinidadì", non est stètiu mai circau cun scavus ca iant a pòdiri puru cunfermai sa paristòria.

Arrestus nuràgicus s'agatant in unus cantu logus de su territòriu comunali (Nuraxi "Dom'e s'Orcu" e is arrestus in loc. "Su Mausoleu").

In s'edadi medioevali sa bidda fiat de su giudicau de Casteddu, curadoria de sa Trexenta. Pagu atesu de Barrali s'agatant is arrestus de sa bidda antiga medievali de Natali.

Su territòriu comunali est pruscatotu postu a lori e bingias e unas cantu matas de olìas po sa produtzioni po domu etotu de s'ollu extravèrgini. De unus cantu annus funt stètius postas puru unu muntone de matas de mela bella e ca tzacarrat.

Is terras barralesas bellas po pàsciri funt invècias prus acanta a is montis de s'est de sa Provìncia de Casteddu, innoi a is peis s'agatant medas cuillis.

Su territòriu comunali presentat puru zonas de interessu paleontològicu (calcaris cun Lamellibrancus; fòssilis miocènicus).

Sa cosa de papai barralesa tenit sa cosa sua prus bella in sa bontadi e genuinidadi de is prodotus de sa terra e de is pasturas. Petza e casu de brebei e de craba bellus meda. Intra is binus tìpicus de innoi, fatus de is produtoris localis in pagu cantidadi, ci funt su biancu Nuragus e s'arrùbiu Monica. Si faint unas cantu bellas variedadis de trigu; àxina, prèssiu, aràngiu e melas.